

Preliminarne preporuke Skupštine građana Mostara, sa podrškom većom od 80% prisutnih članova Skupštine, održane 24.7.2021. godine

Tematska cjelina: Uređenje zelenih površina i upotreba javnih prostora i stvaranje novih

1. Postaviti kante za otpatke, na svim javnim prostorima u gradu prema unaprijed utvrđenim standardima. Sve postavljene kante za otpatke prazniti redovno prema potrebi. Pražnjenje kanti organizirati češće u turističkim dijelovima grada.
2. Oživljavanje, održavanje i povećavanje postojećih zelenih površina.
3. Postaviti table sa upozorenjem o ne bacanju smeća na sve javne, zelene površine, devastirane objekte, izletišta i na mjesta na kojima nije dozvoljeno odlaganje smeća.
4. Aktivirati rad mjesnih zajednica.
5. Iznalaženje posebnih prostora za kućne ljubimce i stavljanje u zakonsku regulativu korištenje tih prostora.
6. Povećati broj pranja najfrekventnijih ulica (prometnica i pješačkih zona) u ljetnom periodu
7. Pranje kontejnera i dezinfekcija prostora oko kontejnera po potrebi.
8. Urediti kupališta i izletišta u gradu Mostaru prema potrebama građana, te organizirati redovno održavanje istih. Dovršiti izgradnju Aqua parka u sjevernom dijelu grada Mostara-Vrapčići.
9. Uređenje javnih prostora i završetak sportske dvorane u što kraćem roku.

Tematska cjelina: Podizanje svijesti i edukacija građana i građanki

10. Podizanje svijesti građana i građanki Mostara o čistoći grada Mostara putem kampanja kroz društvene mreže, medije, bilborde, najmanje 2 puta godišnje (proljeće i jesen) po 30 dana.
11. Iskazivanje interesa za uspostavljanjem saradnje sa gradom Udine, nositelja EU projekta. Naziv projekta "razigrana paradigma" i priprema sličnog projektnog prijedloga i implementiranje u gradu Mostaru.
12. Zadužuju se komunalna preduzeća da se angažiraju u edukaciji djece predškolskog i školskog uzrasta kroz edukativne radionice o čistoći grada.
13. Pojačati ulogu mjesnih zajednica zajedno sa građanima o podizanju svijesti o čistoći grada
14. Priznanja najuređenijim i najčišćim mjesnim zajednicama dodijeljena od strane Gradskog vijeća jednom godišnje

Tematska cjelina: Reorganizacija javnih komunalnih preduzeća

15. Formiranje jednog komunalnog preduzeća sa 3 osnovna sektora: 1. Prikupljanje i odvoz otpada; 2. Skladištenje otpada i 3. Briga o javnim zelenim površinama
16. Uspostaviti jasne kriterije pri izboru vodećih ljudi kao što su: odgovarajući stepen i stručno obrazovanje, višegodišnje iskustvo u rukovođenju na istim ili sličnim poslovima, da nije funkcioner nijedne stranke, javan i transparentan konkurs, pravo

do jednog re -izbora za funkciju, obaveza tromjesečnog izvještavanja o radu gradskom vijeću

17. Napraviti sistem objedinjene naplate svih komunalnih usluga u gradu putem potpisivanja ugovora između građana sa jedne i grada Mostara sa druge strane. Ugovorima bi između ostalog bilo određena visina naknade za pojedine komunalne usluge, nadležnosti javnih preduzeća, prava i obaveze građana, te pouke o pravnom lijeku u slučaju ugovornih obaveza.
18. Rad preduzeća organizovati u smjenama 24h dnevno.
19. Napraviti novu sistematizaciju radnih mjesta kojom će se smanjiti administracija, a povećati broj direktnih izvršilaca.

Tematska cjelina: Upravljanje otpadom

20. Pravilnik o uređenju kontejnera: jednoobraznost izgleda podloge i ograde, broj korisnika po kontejneru, mogućnost razdvajanja otpada po kontejnerima, video nadzor.
21. Lokalizacija i evidentiranje divljih deponija. Sanacija (odvoz, čišćenje i vraćanje lokaliteta u prvobitno stanje). Postavljanje table s upozorenjem o zabrani odlaganja otpada. Sankcioniranje prekršitelja. Eventualni video nadzor ukoliko se nastavi kršenje zabrane odlaganja otpada. Zadužiti službu za komunalne i inspeksijske poslove grada Mostara da konstantno obilaze divlje deponije i provjeravaju stanje.
22. Apel gradskom vijeću da u zakonsku proceduru upute nacrt zakona o PVC i PET ambalaži. Gradsko vijeće Mostara treba da bude inicijator, ako tako što već nije pokrenuto na nivou države.
23. Izrada reciklažnih dvorišta.
24. Sistematska i kontinuirana kontrola tla neposredno u blizini deponije i utjecaj na vodotokove.

Tematska cjelina: Institucionalizacija Skupštine građana kao pravni okvir za daljnje djelovanje

25. Osigurati institucionalizaciju Skupštine građana, kao točku dnevnog reda sjednice Gradskog vijeća Grada Mostara, posvećenu tematskim preporukama Vijeća Evrope. Preporučujemo Gradonačelniku Grada Mostara da u suradnji sa Projektnim timom Vijeća Evrope, kreira rješenje za institucionalni format Skupštine građana kao tijela Grada Mostara.
26. Preporučujemo Gradonačelniku Grada Mostara, da sukladno redovitoj proceduri, predloži Gradskom vijeću usvajanje financiranja Skupštine građana, po prijedlogu i modelu Vijeća Evrope, a sve u cilju daljnje održivosti ovog projekta.